

Des Churfürsten zu
Sachsen etc. Vnd Burg-
grauen zu Magdeburg/

Lands Ordnung:
Von obermessiger Kleidung/
geschmuck/ vnd beköstigung der Hoch-
zeiten/ Kindtauffen/ vnd ande-
rer Gastereien halben.



Die Christliche
Kirche. Das Buch
der Apostel
Lukas Evangelium
Lukas Evangelium
Lukas Evangelium
Lukas Evangelium
Lukas Evangelium
Lukas Evangelium



XVI. Qu. 11873

Von Gottes Gnaden

Johans Friderich Herzog zu

Sachsen / des heiligen Römischen Reichs

Erzmarschalch vnd Churfürst / Land-

graue in Düringen / Marggraue zu

Meissen / vnd Burggraue

zu Magdeburg.

Nach dem menniglich wissend / vnd vn-
uerborgen ist / das nicht allein inn vnsern
Chür / vnd Fürstenthumben / Sondern
auch fast in allen andern Landen / der vñ
bermessige / vnd vnnottürfftige pracht /
vnd vnkosten / mit dem schmuck / vñ klei-
dern / bey den vnterthanen vberhand genomen / Welche
hoffart / vnd vberiger pracht / wider Gott / auch vnsern
vnterthanen / an irer narung schedlich / Vnd vnseres Lan-
des vermügen / nicht wenig abbrüchlich / vnd nachteilig
ist. Wiewol nun Churfürsten / Fürsten / vnd Stende des
heiligen Reichs / auff negstgehaltenem Reichstage zu
Worms / des halben ein Reformation / fur notwendig an-
gesehen / vnd bedacht / Auch Keiserliche Maieestet / vn-
sern aller gnedigsten herrn / derwegen vntertheniglich an-
gelangt / So ist doch dieselbe bis anher / zu keiner wirckli-
chen volziehung komen / Darumb wir / als der Landes-
fürst / solche wider Gott eingewachssene Mißbreuche ab-
zuschaffen / vnd den vnsern (nach irer gelegenheit) zu der-
selben soniel mehrern auffnehmen vnd gedeien / in dem für-
derliche mas / vnd ordnung zugeben / vns schuldig erkand.
Wie wir es nu darinnen wollen gehalten haben / Auch
welche Personen / in dieser vnser Ordnung sollen begrif-
fen

fen/vnd gemeint sein/das werden nachuolgende Artikel
vnterschiedlich besagen/vnd ausweisen.

Vnd ist darauff vnser gnedigs/vnd ernstlichs begehren/das sich ein jeder/hierinnen begriffen/mit den seinen/in Monats frist/nach dato dis vnser Mandats/desselben vnweigerlich/genzlich/vnd gehorsamlich halte.

Abteilung der Stende in dieser Ordnung begriffen / aufferhalb der Grauen / Herren / des Adels / Doctorn / vnd vnserer Rethen / welche hiermit nicht gemeint sein / vnd iren halben mit der zeit auch Ordnung gemacht werden solle.

In ersten Stand.

Sollen gehören / Amptsvorweser die nicht Rethen / oder vom Adel sein / Schösser / Schultheiß / Gleitzleute / Zehendner / Bürgermeister / Richter / Schöppen / Ratspersonen / Münz vnd Bergkmeister / Bürger so sich von iren Lehen gütern / oder mit redlicher Kauffmanschafft nehren / Stadtschreiber / Schulmeister / Bergknappen / vñ Münzer gesellen / so in vnsern Landen nicht heusslich gesessen / Buchdrucker / sampt iren Weibern vnd vnuorheiraten Kindern.

Die Pfarrer / Prediger / vnd Diaconj / werden sich mit der Kleidung / vnd sonst irem Stande nach / auff das sie niemands zu nachrede / vnd ergernus vrsach geben / zuhalten wissen / Aber irer Weiber / vnd Kinder halben / sol es gehalten werden / wie jzt von dem ersten Stand meldung beschicht.

In dem

In dem andern Stand:

Sollen begriffen sein/ gemeine Bürger/ Handwercksleute/ Kramer/ Einwohner/ Baccalaurien außserhalb der Vniuersitet/ Buchdruckers Gefellen/ Steinmetzen/ Vorstedter/ Hausgenossen inn Stedten/ Kirchner inn Stedten/ Handwercksgesellen/ Dienftboten/ Megde/ vnd Knechte/ sampt ihren Weibern/ vnd vnuorheiraten Kindern.

In den dritten Stand.

Paruern/ Tagelöner/ sampt ihren Weibern/ Kindern/ Knechten/ vnd Megden.

Was einem jeden Stand/ auffss
höchst zu tragen/ erlaubt sein solle.

Röcke.

Der erst Stand/ mag auffss höchst einen schamlot/ vnd einen purpuranischen Rock haben/ Aber was darunder/ ist jnen zu tragen vnbenomen/ als Vorstad/ Setin/ Harras/ Vnd was geringer ist.

Der ander Stand/ mag auffss höchst einen Lündischen/ vnd einen Mechlischen Rock haben. Aber ander gemein Landtuch/ ist jnen zu tragen vnuerboten/ Doch mögen jre Weiber vnd Töchter auch einen Harras/ oder Setinen Rock/ vnd mehr nicht/ haben.

Der dritte Stand/ sol kein ander Tuch oder gewand zu Röcken/ Hosen/ Wammes/ oder andern Kleidungen tragen/ denn das in vnsern/ vnd vnserers freundlichen lieben Vettern vnd Bruders/ Herrn Moritzen/ Herrn Johans Ernsten/ vnd Herrn Augusten/ Herzogen zu Sachsen/ etc. Landen gemacht wird. Darzu mögen sie auch

von grober leinwad kittel tragen. Vnnd sollen die Röck
vnd kittel dieses Baurn Stands/ nicht mehr denn drey o
der vier falten/haben.

Es sollen auch die Baurn vnd ire Dienstboten / gar
keine liderne hosen/ oder bein kleider tragen / sondern sich
an einem lidern gefesse/ vnd daran Landtuch/ oder leine
ne bein kleidern genügen lassen.

Rauchfutter.

Des ersten Stands/ mügen die Mans personen Mar
derkelen futter/ vnd nichts bessers oder höhers gültig tra
gen. Aber ire Weiber sollen keine schauben mit Marder
kelen gefüttert haben/ sondern auffs höchst/ Vebene/ oder
Zmaschene gefütterte schauben/ Vnd was am futter dar
under ist/ Auch Mardereln vnter den Jaeken vnd Gols
der/ das mögen sie wol tragen.

Wir wollen auch nachlassen / das zu Wittemberg/
Zwickaw/ vnd andern vnsern fürnemsten Stedten/ do es
vor dieser vnser Ordnung bishero/ herbracht worden ist/
die Bürgermeister für ihre personen/ Marderne futter/
auch Marderne pareth tragen mügen.

Der ander Stand / mag tragen gemeine Zmaschen/
Scheffen/ zigen/ fuchffen/ Wolffswammen/ oder Lem
mern/ Vnd nichts das besser ist.

Der dritte Stand / mag tragen / gemein weis pelz
werck/ vnd nichts höhers.

Ketten.

Der erste Stand mag tragen eine silberne Ketten/ doch
vnergüldet/ vnd vber dreissig gulden nicht würdig.

Der

Der ander Stand mag eine silberne Ketten tragen/
doch vnuergüldet/vnd vber funffzehen gulden nicht wür-
dig.

Der dritte Stand/ sol sich Ketten zu tragen/ gantzlich
enthalten.

Finger Ringe.

Der erste Stand/mag einen Ring tragen / Doch sol er
vber acht gulden nicht kosten/ auch kein Edel gestein ha-
ben.

Der ander Stand / mag einen silbern vnuergülden
Ring/ doch vber zwen gulden nicht würdig/tragen.

Der dritte Stand/ sol gar kein Ring tragen/ Aber zu
Mahlshatz/mag ein person dieses stands/ ein Ringlein
vergeben/ eines halben gulden würdig.

Hauben.

Der erste Stand/mag tragen ein seidene Hauben/mit
fünff oder sechs guldenen schnürlein/doch nicht höher/denn
eines gulden würdig.

Der ander Stand/mag tragen zum höchsten ein seide-
ne Hauben/on gold/ Doch das sie vber ein ort nicht wür-
dig sey.

Der dritte Stand / mag zum höchsten tragen / eine
Hauben von garn oder zwirn gemacht.

Parethe.

Der erste Stand / Mag tragen ein Wüllen Pareth/
mit Steinmardern/oder Marverkeln gefütteret / Vnnd
darunter ein gefütteret/oder vngefütteret Cartecklein schlep-
lein / auch eine Mützen vber einen gulden groschen nicht
würdig.

Der ander Stand / Mag tragen ein wüllen Pareth/
mit Zmaschen oder Irtesen gefütteret / auch eine Mützen/
vber

vber einen halben gülden groschen nicht würdig.

Der dritte Stand / Sol keine ausländische Pareth oder Schleppein tragen / Aber ein gering wüllen Schleppein / vber drey groschen nicht würdig / auch ein scheffene Mützen / filtz oder Schaubhut / Vnd nichts höhers mögen sie wol tragen.

Es sol aber den Weibern vnnnd Töchtern / aller dreier stende / Sammete oder Seidene Pareth / zu tragen genzlich verboten sein.

Leibrock / Wammes vnnnd Goller

der Manspersonen / auch Jacken vnd Brust /
der Weiber vnd Jungfrauen / auff
den Kleidern.

Der erst Stand / Mag tragen ein Wammes / Goller / Jacken oder Brust / von Schamlot / Taffet / Carteck / oder Brückischem Ahtlas / vnd einen Vnderrock / nicht besser / dann von Vorstad / Harras / Setin oder Purpuranischem tuch.

Der ander Stand / Mag tragen ein Wammes / Goller / Jacken oder Brust / von gemeinem vnd nicht dupeln Vorstad / Setin / Harras / parchent obder Lündischem tuch / Vnd einen Vnderrock / nicht besser denn von gemeinem tuch.

Der dritte Stand / Sol sich an parchent / preussischem leder / Vnd an tuch / das im lande gemacht wird / genügen lassen.

Gebreue oder Schweiff.

Der erst Stand / Mag seine kleider mit einem wülstlein / oder eines fingers breit Sammet oder Damasciken / verbremen lassen.

Der ander Stand / Mag seine kleider mit Tuch / das ime zu tragen erlaubt / vnd desselben kleides farbe ist / doch nicht

nicht höher denn eines fingers breit vordremmen lassen.

Der dritte Stand/ Sol gar kein gebreme haben.

Aber aller zweyer Stende Weiber vnnnd Töchter Gebrem/ sollen oben vmb die Röcke/ Kleider/ Jacken/ oder brusten/ vnd nicht vnden herumb gemeint/ Sondern alle schweiffe vnd gebreme/ vnden vmb die Röck/ gentslich verboten sein. Do aber eins Weibs odder Jungfrawen notturfft erfordert/ einen alten Rock zu erlengen/ das sol verstattet werden/ Doch das die selbe erlengerung/ von keinem seidenen/ höherm oder besserm gewand sey/ dann der Rock an jm selbs ist/ Vnd das die Schneider hinfurt allen obbenanten drey stenden/ keine gebreme odder schweiff/ an die newen Röcke oder Schauben machen.

Gürtel.

Der erst Stand/ Mag tragen einen Gürtel mit vnuergüldtem silber beschlagen/ vber sieben gülden nicht würdig.

Der ander Stand/ Mag tragen einen Gürtel/ auch mit vnuergüldtem silber beschlagen/ Doch das sie nicht vber fünff gülden würdig sey.

Der dritte Stand/ Sol keine güldene/ silberne/ sammete odder andere seidene Gürtel tragen/ Aber liderne Gürtel mit Messing spangen beschlagen/ mögen sie wol tragen.

Gold vnd güldene Borten.

Des ersten Stands Weiber vnd Töchter/ mögen vmb den hals tragen/ ein gülden Börtlein ohn flitern/ eins fingers breit.

Des andern Stands Weiber vnd Töchter/ Sollen gar keine Güldene/ noch Silberne/ sondern mügen ein seiden Borten/ vmb den hals tragen/ Doch das der vber zween finger nicht breit sey.

Des dritten Stands Weiber vnnnd Töchter/ Sollen
B weder

weder Guldene/Silberne / noch seidene Borten tragen/
Aber einen wullen oder zwirnen Borten / mögen sie wol
tragen vmb den hals.

Haubt Bendel der Weiber /

und Jungfrawen.

Des ersten Stands/ Weiber vnd Jungfrawen/ mögen
tragen ein gülden Börtlein / ohne Flittern / eins fingers
breit.

Des andern Stands/ ein sammet Börtlein/ doch nicht
vber zwen finger breit.

Des dritten Stands/ Sollen Zarine/ seidene/harras/
vnd dere gleichen Börtlein tragen.

Kürschen.

Der erst Stand/ Mag ein Kürschen tragen/ vber zehen
gülden nicht würdig.

Der ander Stand / mag ein geringe Kürschen / vber
acht gülden nicht würdig/ tragen.

Der dritte Stand/ sol gar keine Kürschen tragen/ son-
dern sich an belts vnd menteln / von Landuch begnügen
lassen.

Hals goller der Weiber vnd

Jungfrawen.

Der erst Stand/ Ein Damaschken Goller/ auffts hö-
chst/ vnd was darunter ist.

Der ander Stand/ Ein Goller auffts höchst/ von Bräu-
ckischem Ahblas/ vnd was darunter ist.

Der dritte Stand/ Wullen Goller/ von Lündischem
tuch/harras/ oder setin.

Krenz.

Der erste Stand/ Mag einen Kranz von seiden/ oder
mit

mit seiden umbwunden/ doch one gold vnd silber tragen.

Der ander Stand/ sol kein ander Krentz/ dan von Rosen/ oder blumen one gold/ silber/ oder seiden tragen.

Der dritte Stand/ sol auch keine andere Krentz/ dann von Rosen oder blumen/ one gold/ silber/ oder seiden tragen.

Federn.

Es sol allen drey stenden/ Federn mit gutem Golde geschmückt/ zutragen verboten sein.

Es mügen aber/ die ersten zwen stende/ vngeschmückte Pickersfedern wol haben/ Aber dem dritten stand/ sol keine andere/ dann Hanen federn/ zutragen/ erlaubt sein.

Schlaier.

Des ersten Stands Weiber vnd Töchter/ Mögen einen Schlaier tragen/ mit einem leistlein/ odder strichlein Gold/ eines halben fingers breit/ doch sol der strich/ oder leisten/ mit Golde/ im schlaier/ nicht durch aus/ sonder am ende des schlaiers/ wie der alte brauch gewest/ gemeint sein.

Des andern Stands Weiber vnd Töchter/ sollen gar kein gold oder silber in Schlaiern haben/ aber einen Schlaier mit einer seiden leisten/ eins fingers breit/ mögen sie wol tragen/ Doch am ende des Schlaiers/ vnd nicht nach der lenge/ durch den gantzen schlaier aus.

Des dritten Stands Weiber vnd Töchter/ sollen gemeine Schlaier/ one Gold vnd seiden tragen.

Gemeine Artickel.

Göldene/ Silberne Zöpff vnd Flittern. Auch geflitterte Rosenbender. Messer/ höher nicht/ dann mit vier lot silber beschlagen. Silberne Tolchen/ one was Reuter sein/ vnd dienst haben. Vergülte odder silberne/ Weiber oder

Jungfraw messer/ober scheiden. Kurtze Mantel/ wie die vom Adel zutragen pflegen. Hosen mit seyden/ Zendel/ Carreck/gefütteret oder durchzogen.

Diese oberzalte stücke / vnter dem gemeinen Artikel/ sollen allen drey stenden zu tragen gantzlich verboten sein.

Aber etwas wenigers/ odder geringer zutragen/denn bey jedem stand ausgedruckt/ das ist meniglichem erlaubt vnd nicht verboten.

Als wir auch ferner in Hochzeiten/
Kindtauffen / Lantzen / Zechen/
vnd Pancketiren/ grossen vberflus/ vnd schedliche
missbreuche spüren/ So wollen wir darinnen
nachvolgende Ordnung gegeben/ vnd
ernstlich gehalten haben.

Hochzeiten.

Wenn ein person des ersten Stands für sich selbst hochzeit helt/ einen Son oder Tochter ausgibet / der sol nicht mehr dann sechs Tisch zuladen/macht haben.

Der ander Stand/ vier Tische.

Der dritte Stand zween Tische/ vnd darüber nicht laden.

Vorlühnus.

Zu allen verlühnussen/ sollen nicht mehr denn ein Tisch Geste oder freunde/ gebeten werden.

Essen auff den Hochzeiten.

Der erste Stand/ sol zur morgen malzeit / nicht mehr denn sechs/ vnd auff den abend fünff gericht geben.

Der

Der ander Stand/ sol auff den morgen nicht mehr denn
fünff/ vnd des abends vier gericht geben.

Der dritte Stand/ sol auff den morgen nicht mehr denn
vier/ vnd zu abend nicht vber drey essen geben. Darunter
aber zu geben/ ist niemands verbotten. Es sollen auch die
einheimischen geladnen Hochzeit geste/ vber drey malzeit
nicht gespeist werden. Was aber frembde geste sein/ den
mag man des dritten tags ein früstüch geben. Do aber ei-
nes/ oder mehr/ die Hochzeiten nicht auff den abend an-
geben lest/ der/ oder dieselben/ sollen die einheimischen ni-
cht mehr denn zwö malzeiten speissen.

Tantzen.

Es sol sich auch niemands/ der nicht zur Hochzeit gebe-
ten ist/ mit geladenen/ odder ungebetenen Jungfrawen
oder frawen/ zu Tantzen anmassen. In gleichnus/ sollen
die gebetenen keine Jungfrawen oder Weiber/ die nicht
geladen/ zum tantzen auffziehen/ sondern allein die gelada-
nen Hochzeit geste mit einander tantzen.

Wenn man auch Gottes wort in der Kirchen predigt/
vnd den Catechismum leret/ so sol darunder kein tantz ver-
gonnet oder verstatet werden.

Diener auff den Hochzeiten/ die essen vnd trincken auff-
tragen/ der sollen gehalten werden/ nach anzal der tische/
auff einem jeden Tische zwen vnd mehr nicht:

Alle Tentze nach der abent malzeit/ aussershalb des
Rathauses/ vnd andern gewonlichen orten/ do man of-
fentliche züchtige Tentze zu halten pfleget/ sollen abge-
than vnd verboten sein/ es sey zu Hochzeiten/ Verlöbnuß-
sen/ oder in allen andern Pancketen.

Es soll auch (ausgenomen in Kriegsleufften/ desglei-
chen vnsern festungen vnd besatzungen) im Sommer vber
zeben/ vnd Winter zeit/ vber neun vhr/ keine drummel od-
der paucken/ auff der gassen geschlagen werden.

B ij So die

So die Jungfrawen von den Hochzeiten geführt/ sollen die fürer nicht auffgehalten werden noch sitzen bleiben/ Auch kein zechen noch tanzen in heusern/ dahin die Jungfrawen geführt/ anrichten.

Das verdrehen/ vnd abstossen/ sol in allen Tentzen verboten sein. Vnd welcher sich widder dis Verbot des verdrehens/ oder abstossens/ vnterstehen würde/ der sol zum ersten mal zwen/ zum andern mal drey gülden/ zur straffe geben/ Do er auch zum dritten mal/ in solcher vberfarung befunden/ Ist er ein Student/ auff ein Jar Relegirt/ vnd doer eines andern standes/ Hoffgesinde/ odder Handtwercks gefelle were/ mit dem Thurn/ oder auff zwey Jar/ Stadt/ oder Dorff verweisung/ gestrafft werden.

So sollen auch zwo personen/ als zu Wittemberg/ von der Vniuersitet eine/ die ander/ vom Rath/ Vnd an den andern orten/ durch die Gerichts helder/ verordent werden/ dem Tanzen zuzusehen/ vnd auff die vbertretenden auffmercken zu haben/ damit sie zur gebürlichen straff genommen.

Alle Hauswirt vnd Hausmütter/ sollen ihre Töchter vermanen/ sich züchtiglichen vnd ehrlichen zu halten/ alle vngeberde vnnnd vbelstand im Tanzen zu vermeiden/ Vnd do darunter ein Jungfraw odder Weib vermarckt/ die sich am Tanze vnzüchtig hielt/ der soll das Tanzhaus (andern zur abschew) ein jarlang zu meiden/ verboten werden.

Weil auch der gebrauch/ das niemands gestattet wird/ auff den Rat vnnnd Tanzheusern zu Tanzen/ Es sey dann das der Bürgermeister odder Gerichtsherr/ jedes

jedes ortz/ darumb er sucht / vnd gebeten würdet / So sol
der Bürgermeister oder gerichtsherr/ ehe/ vnd zuuor/ den
er erleubnis gibet / trewlich vnd ernstlich vermanen/ den
Spielman darzu zuhalten / das er zu keinem vnzüchtigen
Tanz/ vrsach gebe / Was aber solchs anders / von den
Spilleuten vormarckt/ oder befunden / sollen sie derhal-
ben gefenglich eingezogen/ gestrafft/ vnd hinfurt zu spie-
leuten nicht geliden werden.

Spielleut.

Welchen sechs oder fünff Tische gesse zu bitten / obbe-
rurter gestalt nachgelassen / die sollen den Spilleuten/ ze-
hen groschen/ vnd die andern/ fünff groschen/ zu lohn ge-
ben.

Ausspeisen.

Man sol hinfurder niemands von Hochzeiten / dann
allein dem Schulmeister vnd Knaben / die in der Kirch-
en gewest/ so der Breutigam vnd Braut vertrawet wor-
den. Vnd den selben geben/ zwey essen/ vnd zwey stübchen
Bier / So aber jemandts sonderliche Gesenge bestellen
würde/ der sol dem Schulmeister vber bemelt essen vnd
Bier/ fünff groschen geben / daraus sich der Schulmei-
ster mit seinen gehülffen wirdet zuergleichen wissen. Vñ
soll der Schulmeister bestellen / solch essen zu holen / die-
weil man in der Kirchen singet/ zuuor/ vnd ehe man vor
die geladenen Gesse / wirdet anfahren zu speisen / vnd an-
zurichten.

Aber allen andern personen / die sich zuuorn angemast
auff Hochzeiten/ Essen/ vnd trincken zu holen/ Sol solchs
es abgeschafft sein/ vnd volgender mas/ gelt gegeben wer-
den. Dem

Dem Organisten / wo der inn der Kirchen zu schlagen
ersucht wirdet / zween groschen.

Dem Calcanten einen groschen.

Dem Custer / Wer sechs Tische hat / zween groschen /
Wer aber darunter hat / einen groschen.

Dem Hausman / vnd den Stadtknechten / inmassen
dem Custer / nach anzal der Tische / zween oder einen gro-
schen gegeben werden.

Gefatterschafft vnd Schencken auff den Hochzeiten.

Dieweil es an vielen orten / ein alter gebrauch ist / das
drey Gefattern gebeten / So sol es dabey bleiben / vñ dar-
über nicht gebeten / Auch von den wegersten personen / ni-
cht mehr dann ein halben gülden groschen / eingebunden
werden. Aber die andern gemeinen personen / mügen dar-
unter / vnd weniger einbinden.

Der gestalt / sol es auch mit den Schenkungen / auff
den Hochzeiten gehalten werden / Aber was nahe freun-
de sein / die mügen sich / als die freunde mit geschenck er-
zeigen.

So die Frauen von der Kindtauffe heimkommen / mag
man jnen einen trunck Bier / oder Wein schencken / nach
eines jeden vermögen / vnd gelegenheit. Aber die Gaste-
reien / nach der Kindtauffe / vnd in den sechs wochen / sol-
len gantzlich verboten sein.

Es mügen aber die Wehemütter / vnd Weiber / so bey
der Frauen in der geburt gewesen / gespeist werden / Doch
das es nicht mehr personen sein / dann die / welche bey der
Frauen

Strawen/in der Kindes not gewesen.

Kirmess.

Es sollen auch hinfurder/ alle Kirmes inn Stedten/
Merckten/ Flecken/ vnd auff den Dörffern/ gantzlichen
abgethan werden. Auff das dardurch das vberige vor
schwenden/ der Speis vnd Trancks/ vorkomen/ auch die
manigfaltigen hader vnnnd Todschlege (welch offimals
draus erfolgen) so viel beste eher nach bleiben.

Aber die jar/ vnd andere gewöhnliche Merckte/ sollen
damit inn den Stedten/ Merckten vnd Flecken/nicht ge
meint sein.

Von Zechen.

Es sol auch verboten sein/ das kein Wein odder Bier
schenck/ Gest setze/ wein oder bier aufftragen/ do man zu
predig geleutet/ bis die predig gantzlich vollendet.

Dergleichen sol man im Sommer vber zehen / vnd im
Winter vber neun vhr/ inn offen Schenckheusern/ Win
ckelzehen/ noch sonsten keine Zechen halten / Auch den
gesten lenger zusitzen nicht vorstatten/ Sich auch in Sted
ten on Laternen/ vnd redlichen vrsachen/ auff den gassen
nicht finden lassen.

Doch sol mit den frembden/ vnd den so reisen/ hierinne
ein vnterscheid gehalten werden.

C. Straffe:

Straffe:

Damit nu dem allen/ also wie oben vnder schiedlichen/
vnd bey einem jeden Stand/ sonderlich angezeigt ist/ ge-
lebt/ vnd vber vier wochen/ nach Dato dieser vnser Ord-
nung/ dieselbe zuhalten angefangen werde. So gebieten
Wir darauff/ allen vnd jzlichen vnsern Grauen/ Herrn/
Landvögt/ Haupt vnd Ampelenten/ den von der Ritter-
schafft/ Schössern/ Schultheissen/ Bürgermeistern/ Ri-
chtern/ Scheppen/ Rethen der Stedte/ vnd allen andern/
welche vber die personen/ inn dieser vnser Ordnung vor-
leibt/ gericht vnd pothmessigkeit habē/ Das jr/ ob solchen
vnsern geboten/ mit allem ernst vnd vreis halten/ Auch
jr/ die es (von Schössern/ Schultheissen/ Bürgermeistern
Richtern/ Schöppen vnd Rethen der Stedte) mit be-
trifft/ dawider selbst nicht thut/ noch handelt/ Sondern
so offte ein person/ im bemelten drey Stenden/ nach vor-
flüssung berurter vier wochen vorbricht/ sol sie das Kleid
odder den schmuck/ damit die vbertretung beschicht vor-
lästlig sein.

Vnd darüber die personen im ersten Stand/ funffze-
hen/ Die im andern/ zehen/ Vnd die im dritten Stande/
funff gülden/ zur straffe geben vnd verfallen sein.

Gleicher gestalt/ sol es mit der geltstraff/ gegen denenz/
die inn den andern hierinnen vorleibten Aruckeln ver-
brechen/ gehalten werden.

Schneider vnd Kürsoner.

Vnd

Vnd damit ein jeder zu vbertretung/ bis vnser gebot/
bester weniger vrsach habe / so sollen die Schneider vnd
Kürsner/ keines Stands personen / einig Kleid machen/
anschneiden odder füttern / das ihnen zu tragen (inhalts
dieser vnser Ordnung) nicht gebürt. Welcher Kürsner/
oder Schneider / das vbertreten wirdet / Der sol das erste
mal / vmb zehen / das ander mal / vmb zwenzig gülden/
Vnd das dritte mal / mit gefengnus gestraffet werden.

Von diesen Bussen / sollen drey teil / dem Gerichtsherrn / der da strafft / vnd der vierde teil dem jenigen / der
die vortrecher anzeigen wirdet / gegeben werden.

Werden aber die jenigen / welche gericht vnd pothmes-
sigkeit haben / in der straff vnd handhabung / dieser vnser
Ordnung hinlessig sein / vnd die straffe nicht einbringen /
auch einen vor dem andern vbertragen / So wollen wir
dieselben / vnsern Amptleuten jedes orts einzubringen / hie
mit beuohlen haben / Vnd sol vns derselbe Gerichtsherr /
oder dem die vortrechende person zustraffen / gebürt het-
te / vmb solchs vngehorsams vnd hinlessigkeit willen /
darzu noch fünff vnd zwenzig gülden zustraffe geben / vnd
vnmachlessig erlegen.

Do aber an etlichen orten vnserer Lande / nachtzech-
ung / Hochzeiten / tanzens / odder der Spielleute halben /
engerer ordnung vnd mas albereit gemacht vnd gebal-
ten würden / die wollen wir damit auch nicht auffgehoben
haben.

Ernewertung voriger Gebot.

C ij Vnd

Vnd dieweil dann die zeite vnd leuffte des Erbfeinds
Christlichen Namens vnd geblüts/des Türcken/ auch der
Verfolger vnd widerwertigen halben/ vnser waren Cha-
ristlichen Religion/ sorglichen vnnnd gefehrlichen stehen/
darumb allen Christen Buss vnnnd besserung zuthun von
nöten/ So wollen wir vnsero gnedigen lieben Herrn vnd
Vaters/ seliger vnd milder gedechtnus/ vnd vnser offene
Mandat/ welche der Gottseftung/ Zurrinckens/
Wuchers/ muthwilliger sehden/ vnnnd anderen Sünden/
vnd laster halben/ausgangen/ hiemit widderumb ver-
newert/ vnd zu halten/ernstlich geboten haben.

Vnnnd dieweil wir vnter vnserm wesentlichen Hoffge-
sinde/ihren Weibern/ vnd Kindern/ auch vbermessigen
pracht spüren/ Damit nu ihrenthalben/ ob vnser Ord-
nung/ nicht weniger/ denn ob den andern Stenden ge-
halten/ So haben wir ihnen/ inn vnser Hoffordnung/
welche alle Quartal fürgelesen werden solle/ Mass vnd
Ordnung gegeben/ vnd gesetzt/ wes sich ein jeder sampt
seinem Weibe vnnnd Kindern/ nach gelegenheit seines
Ampts vnd Stands/ mit der Kleidung vnd andern hal-
ten solle/ Vnd vnserm Hoffmarschalch beuohlen/ bey vor-
meidung vnser ernstestn straff/ darob zuhalten. Wie
dann auch die Reithe/ inn vnsern Stedten/ do vnser Hoff-
lager sein wirdet/ vnd inn sonderheit gegen denen/ was
vnser Hoffgesinde ist/ vnd inn den Stedten wonet/ thun
sollen.

So hat sich auch vnser Vniuersitet zu Wittenberg/
den Studenten/ vnnnd gliedmassen der Vniuersitet/ hier-
innen Ordnung zugeben/ vnd darob zuhalten/ vnterthei-
niglich erbotten.

In den

Inn den allen/ thut ewer jeder vnserer gantzliche/ vnd
ernste meinung. Zu verkund mit vnserm hie vnden auff
gedrucktem Secret besigelt/ Vnd geben/ Sontags Vo
cem Iocunditatis / Anno Domini 1546.

(.)

Handwritten text, likely bleed-through from the reverse side of the page. The text is mirrored and difficult to decipher due to its orientation and fading.

Dieser Den Ihr seio alle Goms kindern.



mm

